



**Ethica Amoris, Sive Theologia Sanctorum, Magni
Præsertim Augustini, Et Thomæ Aquinatis**

Circa Universam Amoris & Morum Doctrinam, Adversus Novitias Opiniones
Strenuè propugnata, Et In Materiis Principaliter Hodie Controversis
Fundamentaliter discussa

De Externis Regulis Amoris Et Morum, Legibus Utique, ac Praeceptis
Virtutum Theologicarum, & Cardinalium, necnon Decalogi & Ecclesiae -
Libros Vndecim Complectens

**Henricus, de Sancto Ignatio
Leodii, 1709**

Caput XXXIX. Ecclesiæ quoque Caput visibile esse debet.

[urn:nbn:de:hbz:466:1-73203](#)

CAPUT XXXIX.

Ecclesia quoque Caput visibile esse debet.

493 **S**i enim vera Christi Ecclesia visibilis est, Caput habere debet sibi proportionatum; adeoque visibile, visibilemque controversiarum Judicem. Quia omnis Reipublicæ visibilis Caput visibile est. In omni etiam Republica benè ordinata, praeter leges scriptas, vel confuetudine receptas, necessarius est Judge visibilis, qui leges illas authoritative interpretetur, sententiamque sensibiliter profrat, siquando circa eas controversia suboratur. Unde quia sententia Spiritus sancti, utpote invisibilis, non est omnibus nota & manifesta, nec sufficienter innotescit per Scripturam, traditionemque; ubi de sensu ipsius controversia est, nobis innotescere debet per aliquod visibile organum, Judicemque visibilem, cuius sententia, sententia sit Spiritus sancti, quam audiens, vel spernens, Deum audire, vel iepnere censeatur. *Luc. 10.* Quod Apostolos taliter intellexisse constat ex *Auctor. 15.* *V. sum est Spiritus sancto, & nobis.*

494 Nec certè est, cur Christus minus proverit Ecclesias suæ, quam olim provisum erat Synagogæ. In qua visibile fuisse controversiarum Judicem, constat ex Deuteronom. 17. *Si difficile & ambiguum apud te judicium esse perspexeris inter sanguinem & sanguinem, causam & causam, lepram & lepram, & Iudicium intra portas tuas videris verba variari: surge, & ascende ad locum, quem elegerit Dominus Deus tuus. Veniesque ad Sacerdotes Levitici generis, & ad Iudicem, qui fuerit illo tempore: quaresque ab eis, qui indicabunt tibi iudicium veritatem. Et facies quodcumque dixerint, qui præsumt loco, quem elegerit Dominus, & docuerint te iuxta legem ejus, sequentesque sententiam eorum; nec declinabis ad dexteram, neque ad sinistram. Qui autem superberiet, nolens obediere Sacerdotis imperio, qui eo tempore ministrat Domino Deo tuo, & decreto Iudicis, morietur homo ille, & auferes malum de Israël.*

CAPUT XL.

Concilium Generale, simul cum Romano Pontifice spectatum, vel ab ipso confirmatum, est visibilis, infallibilisque Index controversiarum fidei & morum.

495 **Q**uemadmodum enim Comitia generalia regni repræsentant regnum, & quidquid statuunt, statui censetur à toto regno; sic Comitia, seu Concilia generalia Ecclesiæ repræsentant Ecclesiam, & quidquid statuunt, vel definiunt, statui, ac definiri censetur à tota Ecclesia. Atqui Ecclesia columna est & firmamentum veritatis, *i. Timoth.*

*3. Et porta inferi non prevalebunt adversus eam, Marci 16. Ipsa namque Salvator promisit Spiritum veritatis, ut cum ipsa maneat in eternum, Joan. 14. Et Veritas ipsa Matth. 28. Ecce (inquit) ego vobiscum sum usque ad consummationem facili. Proinde quod Ecclesia judicat, Veritas, & Spiritus veritatis per Ecclesiam judicat, secundum illud Auctor. 15. *V. sum est Spiritus sancto, & nobis.**

Ex his manifestum est, Generale Concilium, cum Capite suo, Romano Pontifice, in definitionibus fidei & morum, errare non posse. Alias in iis Ecclesia tota errare posset; nec proinde columna esset, firmamentumque veritatis; ipsaque errante, Spiritus veritatis, & Veritas cum ipsa non permaneret, & aduersus eam portæ inferi prævalerent. Quod est contra Evangelium proximè laudatum.

Cujus Evangelii testimoniis permoti plurimi sancti Martyres, pro fide in Concilio Generali definita mortem subierunt, ut Victor Africanus testatur in lib. de persecut. Wandal. Et S. Ambrosius epift. 13. dicere non dubitavit: *Sequor tractatum Concilii Nicenæ, a quo me nec mors, nec gladius poterunt separare.* Et Leo Papa epift. 53. *Nicenos Canones per Spiritum sanctorum afferit ordinatos.* Et epift. 54. *Spiritus sancti instruente conditos.* Et epift. 78. ad Leonem Augustum, docet, inter Catholicos dubitari non posse, eos qui resistunt Niceno, vel Calcedonensi Concilio, esse haereticos.

Aiunt quidem haeretici, non alio opus 498 Judice, nisi verbo Dei. Sed contrà, cum de verbo Dei, sensuè ipsius controvertitur, sine Ecclesiæ, vel Capitis ipsius iudicio nobis constare non potest, quodnam verè sit verbum Dei, vel quis verus sensus ipsius, ut constat ex variis canonis libris, v.g. epistolâ ad Hebr. secundâ Petri, Jacobi, Judæ, & Apocalypsi, de quibus tamdiu dubitatum fuit, donec à Generali Concilio res ista decisâ fuit. Et idò Tertullianus de præscript. c. 19. *Non ad Scripturas provocandum est, nec in his constitendum certamen, in quibus aut nulla, aut incerta victoria est, aut parvus inca.*

CAPUT XLI.

Romanus etiam Pontifex, cum Ecclesia Romana, absque Generali Concilio, & antequam ipsi Ecclesia universalis consensu accedat, visibilis, infallibilisque, & irreformabilis est Index controversiarum fidei & morum.

§. I.

Totius penè Catholici Orbis hac de re consensus.

Superiori capite lis nobis cum haereticis 499 fuit, impræsentiarum etiam cum Catholicis quibuldam, sed paucis, comparatione